

patriarchis, archiepiscopis, episcopis, abbatibus, & alijs patribus in copiosa multitudine. In cuius quidem sessionis principio praefatus dominus Romanus rex indutus uestribus regalibus, recessit de sua sede solita, & transiit ad aliam sedem positam in fronte altaris, tanquam praesidens pro tunc in concilio, Ioanne Dominici tituli sancti Sixti cardinali Ragulino, & Carolo de Malatestis domicello Ariminese, procuratoribus domini Angeli de Corario, Gregorij XII. in sua obedientia nuncupati, ad auctoriandum concilium, & cedendum papatu nomine dicti Gregorij, sedentibus iuxta regem in quodam banco respiciente uersus congregationem synodi Constantiensis. Deinde cantatis antiphona, Veni sancte spūs, ac hymno, Veni creator spūs, dictaq; collecta de pace per dictum dominum cardinalem Viuarieñ. subsequenter per uenerabilem uirum dominum Iob Benner protonotariū domini Ludouici comitis Palatini, lectae fuerunt duae bullae sequentis tenoris:

al. Vener

al. nostra

Iohan. g. b

al. quaeq;

Gregorius episcopus seruus seruorum dei, dilectis filijs Iohanni tituli sancti Sixti presbytero cardinali apostolicae sedis legato, & Iohanni in patriarcham Constantino-
 politanum electo, nostris & eiusdem sedis nuncijs, & uenerabili fratri Vuernero archiepiscopo Treuireñ. necnō nobilibus uiris Ludouico comiti Palatino Rheni, et Carolo de Malatestis domicello Ariminese. in puincia Romandiola p nobis & sancta Romana ecclesia rectori, Salutem & apostolicam benedictionem. Terrenas affectiones humanas tenebrarum constat librandas pro modulo luminum, cum lux illa quae dixit, Ego sum lux mundi, se luminantem ostendit: & pro quanto terreno detinentur affectu, minus illae splendorem contingunt. In quo edocemur, errorem cauendum, amoremq; rectum sequendum, ut nostra omnia ad illam pacem quae est cum deo homini mortali feliciter conferenda, contra quam negare non possumus, impios errores commisso circa papatum, nosq; aduersantium altitjs repulso ad pacem & ecclesiae Christi clarum statum per uiam renunciationis pro progressu firmiter desiderantes, ut cum spes aliqua scintillaret occurrimus erogando. Ex eodem igitur affectu continuato, intellecta prouidentia regia, cum affectione concordii ad ecclesiae pacem cum nationibus quas uocauit ad ciuitatem Constantensem, exhilarati, libet animo prompti sumus, ut semper fuimus, pro extirpatione horrendorum schismatum, & integra unione merito optanda & perficienda, diuinitate libera papatum, quam uis nobis clarum sit tam ex titulo sanctae memoriae Urbani VI. praecessoris nostri, & canonica nostra electione, quam etiam clarissime ex nostra puritate cum efficaci uoluntate & recta. Quapropter potius & alius rem ipsam & effectum qui intenditur, ac serenitatis regiae cor, mentem, animum, & opera post sui aduentum ad Constantiam fructuosa aduertentes, quamq; extrinsecus quouis artificio demonstrauit, & confidentes exinde de eius serenitatis dispositione deo grata, & in eo sperantes cuius res geritur, quod serenitatem eandem diriget in agendis, & uos etiam qui pro praemissorum effectu estis ibidem. Et ut possitis in praedictis proficere melius & ualere, quo efficacitatem potestatem a nobis constiterit uos habere, nobis seu illis ex nobis, qui ubi illi interfuerint congregationem ipsam in quantum per dictam serenitatem regiam, & non Balthasarem, se nuncupari facientem Iohannem XXIII. uocatum, uice nostra ad praedictorum effectum conuocandi & autorizandi in generale concilium, remota tamen omnino dicti Balthasaris praesentia & praesentia ab eisdem, necnon omnia quae postquam sic feceritis, disponentur pro uera reintegratione ac unione ecclesiae, ac praefatum schisma extirpatione, per congregationem eandem remotis (ue praemittitur) praesentia & praesentia dicti Balthasaris, uice nostra similiter autorizandi & confirmandi, plenam & liberam de plenitudine potestatis concedimus tenore praesentium facultate. Datū Arimini in idus Martij, pontificatus nostri anno ix.

Gregorius episcopus seruus seruorum dei, dilecto filio nobili uiro Carolo de Malatestis, domicello Ariminese. in puincia nostra Romandiola: pro nobis & sancta Romana ecclesia rectori, salutem & apostolicam benedictionem. Cum ad laudem omni